

柳選四家醫案

評選環溪草堂醫案卷中

江陰柳氏醫
學叢書之七

無錫王泰林旭高著

江陰柳寶詒穀孫選評

及門諸子 參校

嘔噦門

○胃陽虛則水飲停。脾陽虛則穀不化。腹中漉漉。胸脇
脹滿。納入輒嘔酸水。清涎。或噯腐氣。以溫通法。崇土利
水。

炮薑 陳皮 蒼朮 半夏 茯苓 熟附

白朮 黨參 澤瀉 枳實 蔻仁 穀芽

詒按中陽不運。痰溼易停。故用治中合二陳法。
○胃中素有酒溼。適因關毆。惱怒引動肝膽之火。與胃
中之痰相搏。致心跳少寐。食入則嘔。兩手脈沉。是氣鬱
也。用溫膽加味。

半夏 石菖蒲 陳皮 甘草 枳實 棗仁

茯神 雞距子 竹茹

薑汁炒

詒按既有木火內擾。則川連梔丹本不可少也。

再診

溫膽湯加沙參 川連 丹皮 旋覆花

黑梔 雪羹煎

○坤土陽微溼勝腹中不和用平胃理中合劑

焦朮 川朴 陳皮 炙草 黨參 炮薑

茯苓 延胡

原註方中橫插延胡一味想其中兼有瘀凝也
詒按立方老潔

再診 前投溫中運溼腹中呱呱有聲朝食則安暮食則滯卧則筋惕肉瞤時吐酸水中土陽微下焦濁陰之氣上逆病成反胃溫中不效法當益火之源捨時從證用茅朮附子理中湯合真武湯意以治之

茅朮 附子 炮薑 炙草 陳皮 茯苓

生薑

詒按較前方深一層是亦一定步驟

○朝食暮吐完穀不化病成反胃始由寒疝腹中結塊氣從少腹上攻胃脘作痛吐酸而起此中下之陽氣不振肝木侮脾脾不磨化幽門不通大便艱澀法以溫運通陽

鮮荳蔻

漂淡去甲一兩五錢

半夏

陳皮

枳殼

沉香

柏子仁

桂心

牛膝

吳萸

乾薑

○腹中痛甚則有塊平則無形每每嘔吐酸水此屬中虛陽氣不運當與大建中湯

黨參 蜀椒 乾薑 金橘餅

詒按簡明切當如老吏斷獄

○反胃而兼浮腫小便莖中微痛此中焦陽氣不運而下焦有溼熱也

萆撥

磨汁三匙

薑汁

三匙

韭根汁

三匙

藕汁

三匙

黃牛乳

煎飲兩杯

另用沉香末

錢一

血珀

錢一

研末分六服

再診

內經云三陽結爲之膈三陰結爲之水此證反

胃而兼浮腫是三陰三陽俱結也陰陽俱結治法極難

前方用萆撥牛乳飲調服沉香血珀末撥動其陰陽俱

結之氣幸反胃之勢已平是其三陽之結已解今腹滿

雖寬而腿足之腫仍若是。三陰之結猶未解也。蓋太陰無陽明之陽。少陰無太陽之陽。厥陰無少陽之陽。則陰獨盛於內。而陽氣不通。陰氣凝滯。膀胱不化。而水成焉。其脈沉細。蓋重陰之象也。凡補脾崇土。溫潤通陽。如理中腎氣丸之屬。固亦合法。然不若周慎齋和中丸之制。爲尤妙。以其用乾薑能回陽明之陽。於脾。肉桂回太陽之陽。於腎。芩薈回少陽之陽。於肝。則三陽氣勝。而三陰之結解。水自從膀胱出矣。

周慎齋和中丸

乾薑

二切片作四分

一分用人參五錢煎湯浸拌收乾炒黑一分用青皮二錢煎湯

拌炒黑一分用陳皮三錢煎湯拌炒黑

一分用蘇葉二錢五分煎湯拌炒黑

肉桂去皮一兩切片作四分一分用益智仁一錢五分研

五分煎濃湯同煮收乾一分用益香一錢五分同

吳萸錢五作二分一分用青鹽五錢煎湯拌炒黃

黨參元米炒茯苓焙一製半夏炒一甜杏仁一兩

茅朮三錢用米泔同浸煮乾去茅朮

右藥為末用神麴二兩磨粉黃糊搗丸每朝服一錢暮

服五分用薏仁三錢陳皮五分煎湯送下

詒按議論精當方法亦清切靈活此等方案固自
可法可傳○案中論病頗合機宜惟所解內經三

陰三陽等語，卻與經旨不合。

○氣鬱痰凝，胸中失曠，背寒脊痛，納少哽噎，甚則吐出，膈證之根。

旋覆花 代赭石 桂枝 半夏 瓜蒌皮

薤白 杏仁 茯苓 竹茹

詒按：此證初起，痰氣阻於上焦，故立方專從肺胃，着意以後五方，於用藥層次，均能絲絲入籠。

再診 諸恙仍然，痰稍易出。

桂枝 薤白 陳皮 鹿角 乾薑

旋覆花 竹茹 枇杷葉

三診 背爲陽位。心爲陽藏。心之下卽胃之上也。痰飲竊踞於胃之上口。則心陽失其清曠。而背常惡寒。納食哽噎。是爲膈證之根。蓋痰飲屬陰。碍陽故也。

川附 桂枝 薤白 丁香 杏仁 瓜蒌皮

白蔻 豆豉 神麴 旋覆花 竹茹 枇杷葉

四診 服溫通陽氣之藥。嘔出寒痰甚多。未始不美。惟納食未順。哽噎之勢未和。膈證之根尙在。仍以溫通再觀動靜。

川附 桂枝 薤白 半夏 陳皮 瓜蒌皮

杏仁 桃仁 薑汁 白蜜 韭菜根汁

五診 上焦吐者從乎氣。中焦吐者從乎積。此納食哽噎。少頃則吐出數口。且多清水黏痰。是痰積在中焦故也。究屬膈證之根。勿得輕視。

瓦楞子 白芥子 萊菔子 蘇子 旋覆花

桃仁 川附 半夏 陳皮 萆撥 薑汁

白蜜

詒按此證因痰氣兩阻。故用藥始終如是。

○瘡後痰氣阻滯。胃脘清陽不舒。氣升作呃。納食輒嘔。已經半月。防成膈證。且與仲景法化痰鎮逆。

旋覆花 赭石 乾薑 半夏 香附 赤苓

丁香 柿蒂

詒按方案俱簡當可法也

○據述病由喪子悲傷氣逆發厥而起今診左脈沉數不利是肝氣鬱而不舒肝血少而不濡也右關及寸部按之滑搏滑搏爲痰火肺胃之氣失降而肝木之氣上逆將所進水穀之津液蒸釀爲痰阻塞氣道故咽噎胸膈之間若有贖塞而納穀有時嘔噎也夫五志過極多從火化哭泣無淚目濇昏花皆屬陽亢而陰不上承之象目今最要之證乃胸膈咽噎阻塞的係膈氣根萌而處治最要之法順氣降火爲先稍參化痰複入清金金

清自能平木也。

蘇子 茯苓 半夏 枳實 杏仁 川貝

沙參 橘紅 麥冬 海螵 竹茹 葶薺

原註此七氣湯溫膽湯麥門冬湯三方增減降氣化痰生津和胃大抵病起於肝戕及肺胃故立方當從肺胃爲主。

詒按細勘病機斟酌虛實立方似覺平淡實已慘淡經營。

○七情鬱結痰氣凝聚胸膈不利時或嘔逆證將半載脾氣大虛前方四七二陳降氣化痰舒其鬱結今再參

入理中兼培中土治標兼固本也。

四七湯

夏朴苓
蘇姜棗

合二陳湯

理中湯

加丁香

木香

薤仁

詒按此證痰氣兩層必須兼到、

○操勞抑鬱營虛火亢胃液枯槁飲食哽噎嗝中一條。如火之焚。有時呱呱作聲。此氣火鬱結使然也。病關情志。非徒藥力可瘳。宜自怡悅。

旋覆花

赭石

沙參

黑梔

茯苓

川貝

神麴

麥冬

甜杏仁

竹茹

枇杷葉

詒按立方輕清穩適。緣病在上膈。且屬氣火無形。

固非可以重劑邀功者也。○方中焦麴可去之。

再診 氣火上逆。咽喉不利。痛至胸脘。飲食哽噎。呱呱有聲。膈證已成。圖之非易。況年逾六旬。長齋三十載。胃液枯槁。草木無情。何能使之濡潤。宜自開懷怡悅。爲佳。前方加洋參 半夏

○胃汁乾枯。腸脂燥涸。所進飲食。盡化爲痰。不生津血。是以納食則吐。而痰隨吐出。膈證之根漸深。高年靜養爲宜。

鮮苳蓉

一茯苓

陳皮

鹽水炒

枳殼

青鹽半夏

當歸

酒炒

沉香

磨

詒按此病已深用藥雖合未必能愈矣

再診 津枯氣結噎膈從蓉丸是主方

前方加柏子仁炒雪羹煎

每日用柿餅一個飯上蒸軟隨意嚼嚥

○吐血後呃逆作止不常迄今一月舌苔白膩右脈沉滑左脈細弱其呃之氣自少腹上衝乃瘀血挾痰濁阻於肺胃之絡而下焦相火隨衝脈上逆鼓動其痰則呃作矣病情並見安可模糊若捕風捉影無惑乎其不效也今酌一方當必有濟幸勿躁急爲要

半夏 茯苓 陳皮 當歸 鬱金 丁香柄

水紅花子

分七

柿蒂

二個

藕汁

薑汁

另東垣滋腎丸

錢一

陳皮生薑湯送下。

詒按用煎劑以通肺胃之絡阻用丸藥以降衝逆之相火思路精細自然熨帖。

○納食輒嘔清水涎沫米粒病在胃也曾經從高墮下。脇肋肩膊時痛是兼有瘀傷留於肺胃之絡故嘔有臭氣擬化痰和胃降逆止嘔爲治。

旋覆花

歸鬚

鬱金

杏仁

半夏

丹皮

查炭

茯苓

橘紅

薏仁

詒按此屬初起輕淺之劑病深者尙宜加重。

伏氣門

○舌乾而絳。齒燥唇焦。痰氣喘粗。脈象細數。無形之邪。熱熏蒸於膈中。有形之痰濁。阻塞於肺胃。而又津枯液燥。正氣內虛。恐有閉厥之變。擬化痰滌熱。以治其標。扶正生津。以救其本。必得痰喘平。神氣清。庶幾可圖。

羚羊角

鮮生地

元參

葶藶子

旋覆花

代赭石

蘇子

杏仁

川貝

沉香

竹瀝

薑汁

枇杷葉

茅根肉

另滾痰丸

錢三人

參湯送下

詒按。虛實兼到。立方頗爲詳盡。○方中藥品已多。

蘇子旋豬可以去之

再診 頭汗淋漓。痰喘不止。脈形洪大。面色青晦。舌紅乾涸。齒板唇焦。此少陰陰津不足。陽明邪火有餘。火載氣而上逆。肺不降而爲喘。證勢險危。深防厥脫。勉擬救少陰之陰。清陽明之火。益氣以收其汗。保肺以定其喘。轉輾圖維。冀其應手爲妙。

大生地

海浮石拌炒

洋參

五味子

牛膝

麥冬

石膏

炙草

桑皮

川貝

陳粳米煎湯代水

另用人參

錢一

煎湯冲服

原註此玉女煎合生脈散。蓋溫病以救陰爲急也。

詒按前後三案均有齒垢唇焦見證其胃府中有垢熱可知用玉女法清胃救腎大致亦合若於中稍參泄熱之意則見效更速矣○方中五味酸斂炙草粳米甘膩均不相宜

三診 頭汗稍收痰喘稍平脈大稍斂但氣仍急促而心中煩躁舌紅乾涸齒垢唇焦津液猶未回虛陽猶未熄上逆之氣猶未下降雖踰險嶺未涉坦途現今心腹似有透痞之象是亦邪之出路仍擬救少陰清陽明再望轉機

洋參 北沙參 元參 大生地

蛤殼
拌炒

鮮生地

五味子 麥冬 牛膝 豆卷 通草 竹葉

枇杷葉 陳粳米煎湯代水

詒按此與前方同意

四診 陰津稍回。氣火未平。仍宜步步小心。勿致變端。爲幸。

沙參 洋參 元參 生地 麥冬 鮮石斛

茯神 澤瀉 石決明 天竹黃 蘆根

詒按仍以養陰之法收功

○溫邪襲肺。肺失清肅。溼夾熱而生痰。火載氣而上逆。喘息痰嘶。舌乾口膩。昨日之脈。據云弦硬。現診脈象小。

而瀉數。陰津暗傷。元氣漸餒。頗有喘汗厥脫之慮。夫溫邪病隸手經。肺位最高。治宜清肅。痰隨氣湧。化痰以降氣爲先。氣因火逆。降氣以清火爲要。姑擬一方。備候酌奪。

鮮斛 射干 杏仁 象貝 沙參 冬瓜子

桑皮 蘇子 沉香 蘆根 竹瀝 枇杷葉

薑汁

原註凡時證之脈先大而後漸小先強而後變弱其熱不退而病反增者必死○此死證也無能爲力立方用藥無甚深意

詒按此要訣也最須記好○初病之脈硬大者邪正相搏也轉爲弱小正氣餒矣而病象不退而反增正氣不能敵邪也病日進而正日虧不死何待○溫邪五日舌苔乾黃壯熱無汗胸腹板滿硬痛手不可近此屬結胸煩躁氣促口吐涎沫防其喘厥

瓜蒌仁

川連

枳實

柴胡

黃芩

元明粉

葶藶子

杏仁

豆豉

黑梔

大黃

皂莢子

原註凡結胸證最忌煩躁氣促此大柴胡大小陷胸梔豉湯合劑

詒按葶藶治痰喘之屬實者若身不熱而脈微者

忌之、

再診 下後結胸之硬滿已消。而煩躁昏狂。略無定刻。舌苔乾燥。渴欲飲冷。壯熱無汗。邪氣猶留於氣分。以苦辛寒清裏達表。冀其戰汗。無變爲幸。

豆豉

黑梔

黃芩

石膏

生草

石膏蒲

赤苓

天竹黃

另益元散

錢玉

薄荷湯送下

詒按此三黃石膏湯合梔豉雞蘇散也。幸其壯熱無汗。可冀戰汗。若汗出而仍壯熱。則內陷矣。

三診

戰汗已得。脈靜身涼。邪已解矣。舌黃未去。胃中

餘濁未清尚宜和化

豆豉

炒香

黑梔

川貝

炒

枳殼

炒

連翹

赤苓

滑石

通草

竹茹

原註凡戰汗後脈靜身涼用方大法不外乎此總以和胃氣化溼熱為主

○胸悶頭痛寒熱往來邪在少陽有汗熱仍不解是傷於風也舌心苔薄邊色乾紅陰虧之體邪未外達而津液暗傷漸有化燥之象證經七日中脘拒按似欲大便而不得出少陽之邪傳及陽明胃氣將燥實矣防其譫語擬少陽陽明兩解法治之

柴胡 黃芩 半夏 枳實 甘草 瓜蒌仁

豆豉 黑梔 桔梗 竹茹

一另滾痰丸

一錢五分

詒按溫邪深伏者往往有汗不解未必皆因於風也○少陽陽明合病是大柴胡證想因將燥未燥故不用大黃稍用滾痰丸以示意也

再診得汗得便邪有鬆達之機是以胸悶心跳煩懊等證悉除而頭痛略減也雖自覺虛餒未便多進穀食亦未可卽投補劑但和其胃化其邪可耳

豆豉

炒香

豆卷

半夏

川貝

炒

陳皮

赤茯苓

鬱金 石斛 通草 竹茹

詒按方極妥治

三診 得汗得便之後。用和胃化邪法。一劑頗安。兩劑反劇。良以畏虛多。進穀食。留戀其邪。不能宣化。鬱於心胃之間。溼蘊生痰。熱蒸液燥。遂見煩躁惡心。錯語等證。兩手寸關脈細滑數。兩尺少神。舌邊乾紅。心苔黃膩。皆溼熱鬱蒸。將燥未燥。欲陷未陷之象。當此陰虧之體。能不慮其內陷乎。擬導赤瀉。心各半法。生津化濁。和胃清心。

犀角 川連 半夏 枳實 赤苓 鮮石斛

連翹 橘紅 黑梔 生草 通草 鬱金

竹茹 蘆根

另萬氏清心丸

六分

詒按推論病原未嘗不細意研求但伏溫之邪每
多一層解後停一二日再透一層且每有後一層
之邪更甚於前者此證乃第二層之邪發作耳觀
後數案病情自明若謂穀食戀邪與以後病情不
合矣且不至有如此重候也○查萬氏原方中山
梔川連鬱金均已入煎劑所少者牛黃一味耳且
似此病情可不必加用

四診 證交十二日。身熱不揚。神昏舌短。苔霉邪入膈中。閉而不達。急急清洩。芳開希冀。轉機為妙。

犀角

鮮生地

豆豉四錢同打

連翹

元參

牛蒡子

枳實

鬱金

天竹黃

石菖蒲

鮮石斛

鮮薄荷根

蘆根

另紫雪丹

五分

詒按此按病情大是可危

五診 神情呼喚稍清。語仍不出。邪欲達而未達也。胸脇紅點稍現。跡稀不顯。斑欲透而未透也。口臭便秘。矢氣陽明燥實復聚也。舌短心焦。邊絳。膈中邪火方熾也。

芳香開泄之中。參以生津蕩實。竭心力而圖之。冀挽回於萬一。

前方加沙參 生地 大黃 元明粉

詒按服此方後。想已得有大解。氣分之邪熱得泄。故下方專於清營。

六診 口臭噴人。胃火極甚。斑疹雖見。透而未足。目赤神糊。脈洪口渴。急速化班爲要。古法化班以白虎爲主。仍參入犀地清營解毒。再複存陰。又適合玉女煎法。未知能應手否。

鮮地

豆豉同打

石膏

薄荷頭同打

犀角

天竺黃

知母

人中黃 麥冬 沙參 洋參 大生地

石菖蒲 蘆根

詒按此方與後方如仍加大黃以通胃府則伏熱得洩可免後來許多周折

七診 目能識人舌能出口證勢漸有生機法以大劑存陰冀其津回乃吉

大生地 洋參 麥冬 鮮地 鮮斛 元參

北沙參 犀角 石膏 生草 蔗汁

詒按至此始有轉機亦險矣哉

八診 黑苔剝落舌質深紅陰津大傷燥火未退左脈

細小。右脈洪數。是其徵也。此際陰傷火旺。少陰不足。陽明有餘。惟景岳玉女煎最合。一面瀉火。一面存陰。守過三候。其陰當復。

鮮生地 石膏 元參 洋參 知母 生草

大生地 沙參 黑梔 連翹 蘆根

詒按有形之垢已去。無形之熱猶存。用藥仍宜虛實兼顧。不敢稍忽也。

九診 頻轉屎氣咽喉乾燥。燥則語不出聲。此陽明燥火熏蒸。津不上承。重救其陰。兼通其府。再商。

大生地

兩 鮮生地 兩 沙參 兩 麥冬 三錢 海參 二兩

元參

錢五

大黃

酒浸
錢三

元明粉

錢三
生草
分四

論按此吳鞠通增液承氣法也。因府中垢熱又聚，故用藥如此。○如前第六七方中，仍兼大黃用之，則無此波折矣。海參腥穢不堪入口，擬去之，仍加洋參石斛。

十診

下後陰液未回，急當養陰醒胃。

大生地

洋參

茯苓

橘紅

麥冬

石斛

北沙參

元參

穀芽

蔗皮

十一診

耳聾無聞，舌乾難掉，陰津大傷，用復脈法。

大生地

阿膠

川連末
拌炒

麥冬

洋參

炙甘草

元參 雞子黃

詒按熱去陰傷此後可專意養陰矣然耳聾未聰則陰經尙有餘熱未洩也

十二診 疊進滋陰大劑生津則有餘濕火則不足今交三候齒垢退而復起神色已清非陰之不復乃燥火未清耳賢者觀過知仁智者見微知著今當轉筆法取輕清

洋參

枳殼

炒 麩

川貝

橘紅

鹽水 炒

棗仁

猪膽 汁 炒

赤苓

川連

鹽水 炒

竹茹

雪羹煎

詒按此方用意不甚親切緣此時仍宜養陰泄熱

兩層兼到方合病機

十三診 諸恙向安。每啜稀粥。必汗出沾濡。非虛也。乃津液復。而營氣敷布周流也。小便澀痛。餘火未清。惟宜清化而已。

冬瓜仁 甜杏仁 鮮石斛 黑梔 甘草梢

生穀芽 通草

詒按小便澀痛。宜參導赤各半法。加生地木通連柏。

十四診 病退之餘。日間安靜。至夜發熱。神糊。乃餘熱留於營分也。小便熱痛。心火下趨小腸。仿病後遺熱例。

用百合知母滑石湯合導赤散。

鮮生地 木通 甘草梢 竹葉心 川百合

知母 滑石 泉水煮湯煎藥

詒按病後餘波亦題中應有之義方亦輕清合度。
○伏邪挾積但熱不寒頭痛鼻血便洩稀水表裏兩窒。
而熱甚於裏擬清裏解表法。

葛根芩連湯加豆豉 連翹 枳實 黑梔

原註鼻血便洩稀水知其爲熱不用犀角者其舌
苔白也不用大黃者其脘腹按之不痛也。
詒按此證專意解表想因未得汗解故也。

○陰虛挾溼之體。感受時令風邪。初起背微惡寒。頭略
脹痛。欲欬不爽。發熱不揚。舌苔白膩。大便溏泄。此其常
候也。峻投消散。暗劫胃津。以致飢而欲食。嗜卧神糊。呢
忒斷連。斑疹隱約。證方八日。勢涉危機。閱周先生方。洵
稱美善。鄙意僭加甘草一味。以和之。其生津補中之力。
未始非贊襄之一助也。若云甘能滋溼。甘能滿中。孰不
知之。須知苔薄白而光滑。胸不滿而知飢。乃無形溼熱。
已有中虛之象。此葉氏所以深戒苦辛消克之劑也。幸
知者察焉。

牛蒡子

石菖蒲

前胡

橘紅

鬱金

桔梗

天竺黃 刀豆子 神麴 連翹 甘草 薄荷

竹茹 枇杷葉

詒按審證精細論亦透徹○苔白滑而光亮無津此溼蘊津傷之候專投香燥每每涸液增變案中議論洵屬閱歷之言

再診 證逾旬日的係溫邪挾溼病在氣營之交苔白膩而邊紅疹透點而不爽麻則識語瘖則神清呃聲徐而未除脈象爽而小數周先生清營洩衛理氣化濁恰如其分僭加一二味仍候主裁

犀角

天竺黃

川連

鹽水炒

橘紅

鮮薄荷根

連翹 牛蒡子 通草 柿蒂 青鹽半夏

丁香 竹茹 茅根 枇杷葉

三診 熱處溼中神蒙嗜卧呼之則清語言了了驗舌
苔之白膩參脈象之更數知非熱陷膈中乃溼熱瀰漫
於上焦肺氣失其宣布耳哕尚未除胃濁未化擬從肺
胃立法

旋覆花 代赭石 冬瓜子 射干 杏仁

川貝 桔梗 鬱金 橘紅 沙參 通草

竹茹 茅根 枇杷葉

詒按論病清切○此時若誤認入營而投清營之

品則邪機愈逼而增病矣。○以中虛陰弱之體患溫邪挾溼之病，過投辛燥則陰涸，過與消克則中傷。若回護其虛，又恐助濁增病。此等證用藥最難，觀前後六案論病親切，用藥清靈，疎邪扶正，虛實兼顧，自非老手不辦。

四診 哕忒已除，舌苔稍化，欲欬不揚，仍以前法加減。
前方去赭石 加蛤殼 赤苓 雪羹煎

五診

前方去旋覆花 射干 桔梗 加豆卷
六診 便泄數次，黏膩垢污，胃濁以下行為順，未始不

美故連日沉迷嗜卧。昨宵便惺惺少寐。但少寐則神煩。自覺有不安之象。且屢起更衣。愈覺倦乏不堪耳。今便泄未止。舌苔仍白。身熱已和。酒客中虛溼勝。擬和中化濁。仿子和甘露飲。

野於朮 洋參 赤苓 澤瀉 滑石 藿香

雞距子 葛花 木香 橘紅 通草 竹茹

七診 病已退。溼未楚。前方加減。

前方加參鬚 神麴 穀芽

○凡證於陰陽虛實疑似之間。最當詳審。此證音低神倦似虛。而便泄臭水中。脘按痛實也。肢冷脈細似陰。而

小便熱痛陽也。至於舌白譫語。乃痰蒙火鬱之徵。而日暮煩躁。爲陰虛陽盛之兆。鄙意百般怪證。多屬乎痰痰蒙火鬱。清化不解。須從下奪。即使正虛而虛中夾實。亦當先治其實耳。

羚羊角 天竺黃 石菖蒲 膽星 鮮石解

茯神 橘紅 鬱金 竹瀝 薑汁

另滾痰丸

詒按議論明快立方切實的是此道中高手

再診 風火熾盛。痰迷竅絡。神昏不語。耳聾目張。瘰癧之兆。立至證。屆兩候。正在關節之期。勉擬一方。以盡人

事。

犀角 羚羊角 鮮石斛 鮮生地 石決明

茯神 天竺黃 石菖蒲 元參 膽星

三診 無形之風火鴟張故神識昏蒙不醒而有形之痰濁上泛故舌苔反見濁厚清開不應擬進苦洩再望轉機。

川連 枳實 膽星 半夏 石決明 橘紅

赤苓 滑石 竹瀝 薑汁 羚羊角

另當歸龍薈丸

四診 有汗發瘧謂之柔瘧。瘧盛神昏風淫火熾極矣。

夫內風多從火出。欲熄其風。先須清火。欲清其火。必須鎮逆。考古有風引湯一法。多用石藥。其原論云。痙發不止。醫不能療。風引湯主之。良由風火熾盛。草木諸藥。不能平旋動之威。非用石藥之慄悍。消疾者。不足以勝之。故曰醫不能療也。病極凶危。醫宜盡力。其然其否。尙所高明裁正。

石膏 寒水石 紫石英 靈磁石 紫蛤殼

滑石 石決明 生地拌砂仁 阿膠拌赤石脂 鈎鈎

牛膝炭 竹瀝 薑汁

詒按。疊進清火豁痰三方。而病勢未平。仍有昏痙。

之狀不得已而出此方。竊思溫邪乃伏氣內發之病，每多已發之邪化熱而爲瘧厥，未發之邪仍舊鬱伏不動。及外一層經清化而解，然後內伏之邪再逐層外露，故於清化之後再用透托者有之，再用下洩者有之，再用清營通絡者亦有之。此證病情如此，疑其尙有伏邪在內所致。金匱風引湯所治之證，究與時邪發瘧之證有別，姑存之以備一法可也。

○素有肝胃病，適挾溼溫，七日汗解，入日復熱，舌灰唇焦，齒板口渴，欲得熱飲。右脈洪大數疾，左亦絃數。腕中

仍痛。經事適來。靜思其故。假令肝胃病。木來乘土。氣鬱而痛。若不挾邪。斷無如此大熱。又大便堅硬而黑。是腸胃有實熱。所謂燥屎也。考胃氣痛。門無燥屎證。惟瘀血痛。門有便血。而此證無發狂妄喜之狀。又斷乎非蓄血也。渴喜熱飲。疑其有寒似矣。不知溼與熱合。熱處溼中。溼居熱外。必飲熱湯而溼乃開。胸中乃快。與真寒假熱不同。再合脈與唇觀之。其屬溼溫挾積無疑。傷寒大白云。唇焦爲食積。此言諸書不載。可云高出千古。

豆豉

鬱金

延胡

山梔

香附

瓜蒌皮

連翹

赤苓

竹茹

外用葱頭十四箇鹽一杯炒熱熨痛處

原註病本溼溫挾食交候戰汗而解少頃復熱爲
一忌汗出而脈躁疾者又一忌適值經來恐熱邪
附入血室從此滋變亦一忌故用豆豉以解肌黑
梔以清裏一宣一泄祛表裏之客邪延胡索通血
中氣滯氣中血滯兼治上下諸痛鬱金苦泄以散
肝鬱香附辛散以利諸氣二味合治婦人經脈之
逆行即可杜熱入血室之大患瓜蒌通府赤苓利
溼加竹茹連翹一以開胃氣之鬱一以治上焦之
煩外用葱鹽熱熨卽古人摩按之法相贊成功

詒按此等證最易混淆。案語層層搜剝。可謂明辨。以晰。惟既見挾積。方中似應加用枳實山查。此證汗解復熱。凡伏氣發溫。逐層外出之證。往往有此。不必疑其別有他邪也。用藥兩疏表裏。大致亦合。惟既見舌灰唇焦。則中焦有濁積無疑。疏裏之藥。尚宜加重。倘苔灰而燥。卽大黃亦可用也。

再診。服藥後大便一次。色黑如栗者數枚。兼帶溏糞。脘痛大減。舌霉唇焦俱稍退。原爲美事。惟脈數大者。變爲虛小無力。心中覺空。是邪減正虛之象。防神糊痙厥等變。今方九日。延過兩候。乃吉。

香豉 青蒿 沙參 赤芍 川貝 鬱金

黑梔 竹茹 稻葉 金橘餅

詒按大解後熱平脈轉弱小倘內伏之熱邪已淨或稍有餘熱而不甚重則從此各候俱平祇須清養而已若停一二日伏邪再熾則脈隨病變或仍轉數大亦未可知若熱勢盛而脈虛小是邪盛正虛之重候仍當隨見證治之不得以九日兩候等語爲憑也

暑病門

○素有痰飲欬嗽今夏五月曾經吐血是肺受熱迫也

茲者六七日來。伏暑先蘊於內。涼風復襲於外。病起先寒慄而後大熱。熱勢有起伏。表之汗不暢。清之熱不退。所以然者。爲痰飲阻於胸中。肺胃失其宣達故也。夫舌色底絳而望之黏膩。獨舌心之苔白厚如豆大者一瓣。此卽伏暑挾痰飲之證。而況氣急痰嘶乎。據云廿六日便泄數次。至今大便不通。按腹板窒卻不硬痛。小水先前紅濁。今則但赤不渾。此乃溼熱痰濁聚於胸中。因肺金失降。不能下達膀胱。故溼濁不從下注。而反上逆爲痰氣喘咳之證也。病機在是。病之凶險亦在是。當從此理會滌痰泄熱降氣清肺。乃方中必需之事。但清肅上

焦尤爲要務耳。

葶藶子 枳實 鬱金 杏仁 羚羊角 川貝

膽星 連翹 赤苓 竹瀝 薑汁 枇杷葉

滾痰丸

絹包入煎

詒按案語精當方藥親切迥殊率爾操觚

○暑乃鬱蒸之熱。溼爲濡滯之邪。暑兩地溼。溼淫熱鬱。惟氣虛者受其邪。亦惟素有溼熱者感其氣。如體肥多溼之人。暑卽寓於溼之內。勞心氣虛之人。熱卽伏於氣之中。於是氣機不達。三焦不宣。身熱不揚。小水不利。頭額獨熱。心胸痞悶。舌苔白膩。底絳。尖紅。種種皆溼遏熱。

伏之微。顯係邪蘊於中。不能外達。擬以梔豉上下宣洩之。雞蘇表裏分消之。二陳從中以和之。芳香宣竅以達之。冀其三焦宣暢。未識得奏微功否。

六一散 黑梔 薄荷 豆豉 半夏 陳皮

石菖蒲 赤苓 鬱金 薤仁 通草 竹茹

荷梗

詒按。議論親切。用藥得輕清靈三字之妙。

再診 形體豐肥者必多溼。肌肉柔白者必氣虛。況暑病必有溼邪遏伏。中氣受戕。前用微苦微辛。宣通三焦。服後大便通調。胸中寬暢。原得小效。要知溼性濡滯。本

難霍然卽愈。若用辛雄燥淫苦寒洩熱是亦一法。然恐非肥白氣虛者所能勝任。拙見仍守前法。毋存欲速之心。反致耗氣之弊。惟高明裁之。

前方去薄荷 加杏仁

三診 白苔漸退。而舌心反見裂紋。是淫轉燥矣。不飢不思食。小便仍不爽利。餘熱猶滯。三焦之氣未盡宣達也。三焦者一氣之周流。而各司其職。上焦主納而不出。下焦主出而不納。中焦則輸其出納。清陽出上竅。濁陰走下竅。三焦自協於平。今議從中升降其上下。所謂升降者亦升其清而降其濁耳。

葛根 杏仁 赤苓 陳皮 紫苑 薏仁

川貝炒澤瀉 血珀 竹茹 大麥 稻葉

○外有寒熱起伏之勢。裏有熱結痞痛之形。上爲煩懊。嘔惡下則便泄溇臭。此新邪伏邪。淫熱積滯。表裏三焦同病也。易至昏嘔變端。擬從表裏兩解。佐以芳香逐穢。冀其轉機爲妙。

柴胡 瓜蒌仁 黃芩 半夏 赤芍 薤仁

枳實 石菖蒲 大黃 川連 鬱金

詒按。頗合病機。藥品亦切實不膚。

再診。投兩解法。得汗得便。竟得安然兩日。昨已起牀。

照鏡。啟窗看菊。須臾之間。漸漸發熱。熱甚神糊。兩目上
視。幾乎厥脫。迨至黃昏。神識漸清。熱勢漸減。然脈沉不
起。據述熱時舌色乾紅。熱退舌色黃膩。此乃溼遏熱熾。
將燥未燥。但陽證陰脈相反。堪虞。勉議河間甘露飲子。
於滌熱燥溼之中。更藉桂以通陽。苓以通陰。復入草果。
祛太陰溼土之寒。知母清陽明燥金之熱。未識得奏膚
功否。

寒水石 石膏 茯苓 澤瀉 茅朮 桂枝

葱白頭 猪苓 草果 知母 薑汁

詒按此是正氣已衰餘邪復聚之證所擬之方大

致頗合。但嫌藥味粗獷。未能絲絲入筮耳。

○年過花甲。病逾旬日。遠途歸家。舟輿跋涉。病中勞頓。雪上加霜。欲詢病原。無從細究。刻診脈象。沉糊神識。蒙昧舌強。色白。中心焦燥。身熱不揚。手足寒冷。氣短作呃。便泄滯臭。憑理而論。是屬伏邪挾積。正虛邪陷之象。深恐有厥脫之虞。勉酌一方。還祈明正。

人參 大黃 附子 柴胡 半夏 茯苓

陳皮 黃芩 丁香 當歸 枳實 柿蒂

澤瀉 竹茹

詒按。虛寒積熱。層層照顧。處處着力。此等方。非學

力極深者不能下筆

再診 證勢尙在險重擬方再望轉機

柴胡 桂枝 人參 白芍 半夏 川連姜汁炒

枳實 丁香 橘皮 炙草 薏仁 竹茹

三診 伏暑化燥。劫津動風。舌黑唇焦。鼻煤齒燥。神識昏糊。手指牽引。今早大便自通。據云病勢略減。然兩脈促疾無倫。陰津消涸。邪火燎原。仍屬險象。

鮮生地 鮮石斛 犀角 元參 鈎鈎

連翹 天竹黃 北沙參 通草 蘆根

竹葉 羚羊角 六一散 枇杷葉

另珠黃散

服

詒按幸得大便自通尙有一線生機

○伏暑爲病。溼熱居多。陰虛之體。邪不易達。此其常也。然就陰虛而論。大有輕重之分。須知此證虛亦不甚。邪亦不多。卽據耳鳴眩悸。苔濁胸痞。微寒微熱。脈形絃數。立方未便着手大補。亦不可重劑攻邪。但得脈情無變。可保無虞。慎勿徒自驚惶。反增他變。

洋參

扶神

辰砂拌

甘菊

薏仁

陳皮

青蒿

鈎鈎

刺蒺藜

半夏

秫米

豆卷

竹茹

詒按不沾沾於補虛。不斤斤於洩邪。而所用藥品。

按之證情無不絲絲入筮所謂成如容易卻艱辛
非學識兩深者不易辦此

○餘邪餘積雖留戀而未清元氣元陰已耗損而欲竭
暫停苦口之藥且投醒胃之方化滯生津忌夫重濁變
湯蒸露法取輕清效東垣而化裁希弋獲以圖倖

清暑益氣湯加荷葉 稻葉

蒸露一日溫飲四五小杯

詒按伏暑久淹正虛邪戀胃弱不勝重藥者此法
當仿

癰疾門

○伏邪挾積。阻塞中宮。瘧發日輕。日重。重則神糊煩躁。起臥如狂。此乃食積熱痰。邪熱化火。痰火上蒙。怕其風動。瘕厥。脈沉實而舌苔黃。邪積聚於陽明。法當通下。仿大柴胡例。

柴胡 黃芩 川朴 枳實 瓜蒌仁 半夏
大黃

詒按脈舌與證合參。大柴胡是的對之藥。

再診 下後熱淨神清。竟若脫然無恙。惟是病退太速。仍恐變幻莫測。擬方再望轉機。

川連姜汁炒 半夏 陳皮 豆豉 黃芩 枳實

瓜蒌仁

鬱金

神麴

竹茹

原註病退太速仍恐變幻老鍊之言宜省凡下後方法總以瀉心加減仍用瓜蒌枳實想胸痞未舒舌苔未化耳

三診 昨日瘧來手足寒冷卽時腹中氣脹上塞咽喉幾乎發厥但不昏狂耳此乃少陽瘧邪挾內伏之痰濁上走心胞爲昏狂下乘脾土爲腹脹前日之昏狂病機偏在陽明故法從下奪今腹脹舌白脈細病機偏在太陰法當辛溫通陽轉運中樞爲要矣隨機應變急者爲先莫謂用寒用熱之不侔也

乾薑炒黃 陳皮 茯苓 草果 熟附 川朴

蔻仁 枳榔 丁香 通草

原註前方用寒後方用熱隨證用藥轉換敏捷不避俗嫌的是一腔熱血

詒按此人必中氣素虛故痰濁乘虛上僭也

四診 投果附達原神香二陳合劑服藥後喉中汨汨有聲上逆之氣卽平腹脹遂鬆今脈緩大神氣安和腹中微覺脹滿痰多粘膩脾藏陽氣雖通寒溼痰涎未化仍從前法輕減其制

前方去附子 枳榔 加大腹皮 半夏

五診 腹中之氣稍平。溼熱餘邪未盡。所以微寒微熱。仍歸瘧象。頭脹身疼。知飢能食。法擬疎化兼調營衛。

青蒿 豆卷 半夏 陳皮 穀芽 秦朮

神麴 茯苓 薑 棗

○陳無擇云。瘧家日久。必有黃痰宿水。聚於胸腹膈膜之中。須得脾土旺。而後宿水自行。元氣復。而後溼痰自化。余見久瘧有泄水數次而愈者。卽宿水自行之效也。

六君子湯加炮薑 木香 神麴 砂仁

詒按前曾見治老瘧之法。用逐痰瀉水之藥入雞子中煮服。得泄黃水卽愈。其意與此正同。但用藥

有虛實之分耳

○三瘧久延。營衛兩傷。復因產後下焦入脈空虛。今病將九月。而瘧仍未止。腹中結塊偏左。此瘧邪留於血絡。聚於肝膜。是屬瘧母。淹纏不止。慮成瘕勞。夏至在邇。乃陰陽剝復之際。瘦人久病。最怕陰傷。趁此圖維。迎機導竅。和陽以生陰。從產後立法。稍佐搜絡。以杜瘧邪之根。

製首烏

杞子

地骨皮

當歸

白芍

桂枝炒

冬朮

川芎

青皮

香附

烏梅

另鼈甲煎丸

原註。用四物湯去地。換首烏。從產後血分立腳。

再診 瘧久結癖。夏至前投和陽生陰。通調營衛。參入搜絡方法。節後三瘧仍來。但熱勢稍減。癖塊略小。然口渴心悸。營陰大虧。情懷鬱勃。多致化火傷陰。木曰曲直。曲直作酸。瘧來多沃酸水。蓋肝木鬱熱。挾胃中之宿飲。上泛使然。夫養營陰。須求甘潤。理肝鬱。必用苦辛。久瘧堪截。癖塊宜消。惟是體虛胃弱。諸宜加謹。爲上。

黨參

鼈甲

醋炒

當歸

茯神

棗仁

香附

川連

吳黃炒

冬朮

陳皮

牡蠣

三稜

醋炒

詒按。因病化裁。頗不沾滯。○方中白芍。似不可少。

另用川貝

兩

半夏

兩

知母

兩

研末

薑汁

醋各

半

泛丸

每服三錢。開水送下。

詒按。此半貝丸成法也。增入知母一味。嫌其偏於涼潤。尙有可商。

○但寒不熱。此爲牝癰。柴胡桂枝湯主之。

柴胡 桂枝 乾薑 半夏 陳皮 茯苓

川朴 草菓 炙草 薑 棗

再診。癰發間日。但寒而不熱。口膩多涎。乃寒痰鬱於心下。陽氣不得宣越故也。

蜀漆 桂枝 半夏 陳皮 茯苓 羌活

石菖蒲

另用獨頭蒜

一個

黃丹

錢一

雄黃

五分

共搗丸。朝向東方服。

三診

舌白。脘悶。

背寒獨甚。擬宣通陽氣。以化痰濁。

麻黃

桂枝

杏仁

炙草

半夏

茯苓

陳皮

鹿角霜

石菖蒲

原註。以上三方。皆金匱法。

四診

瘧止。當和胃氣。

半夏

茯苓

甘草

陳皮

白朮

薑

棗

詒按。牝瘧不多見。大略由平陽虛痰聚。阻遏邪機。不得外越所致。用藥總以通陽宣濁為主。

○少陽過升。陽明失降。瘧來煩悶痞嘔。當變柴胡之制。

而爲瀉心之法。和陽明卽所以和少陽也。

川連

薑汁炒

半夏

陳皮

薤仁

蘗梗

生薑

竹茹

薑汁炒

原註。此病舌色。左半邊光紅。右半邊白苔溼滑。如

水晶粉團之色。因過服柴胡升陽。以劫其營。而痰

濁又變於胃。以致痞嘔。故用瀉心之法。初用生薑

一片無效。後加至三片。痞嘔乃止。瘧亦不來。

詒按。用古法而能通其意。心靈手敏。此爲善讀書

人。

○素有痰飲。欬嗽近復涼風外薄。食積內停。寒熱似瘧。

脈絃數。額角痛。胸腕痞脹。大便不通。是有表復有裏也。擬以疏裏解表。

柴胡 黃芩 半夏 枳實 川朴 大腹皮

橘紅 竹茹

治按立方用藥。不深不淺。如初揭黃庭。恰到好處。再診。脈絃數。兩手掌心獨熱。大便五日不通。舌苔薄白。不黃。燥屎尙未全結。欲通其腑。緩法爲宜。

川連

薑汁炒

枳實

磨

薑仁

研

半夏

萊菔子

炒

竹茹

治按先用緩法通府。此亦病機所在。不可不知。

黃庭門

○三瘧止而復作。腹滿平而又發。今日黃脈細。面黑溺少。防延黑瘧。然瘧而腹滿者難治。姑與分消。

茵陳 山梔 赤苓 滑石 陳皮 大腹皮

附子 通草 麥芽 瓜蒌皮

再診 面色黎黑。腹滿足腫。脈沉而細。此脾胃之陽不化。水溼阻滯於中。證防增重。且與通陽滲溼。

肉桂 去粗皮 研五分 茯苓 猪苓 澤瀉 大腹皮

白朮 川朴 廣皮 神麴 細辛 麥芽

香圓

詒按。此肉桂五苓散。加味溫中疎溼。前人所謂陰

黃想即指此等證而言。

○兩目及身體皆黃小便自利而清此屬脾虛非溼熱也名曰虛黃。

黃耆四兩白芍三兩地膚子二兩茯苓四兩酒浸服

詒按此癰病中另自一種以小便清利為據證不多見錄之以備一格。

○伏暑溼熱為黃腹微滿小便利身無汗用麻黃連翹赤小豆湯。

麻黃 連翹 豆豉 茵陳 赤苓 川芎

枳殼 通草 神麴 杏仁 赤小豆煎湯代水

詒按此溼熱在表而無汗者

○面黃無力能食氣急脫力傷脾之證也用張三丰伐木丸加味

皂礬

一兩坭土包固置糠火中煨一日川朴五錢

茅朮

一兩米泔浸切炒製半夏一兩陳皮二兩鹽茯苓一兩

炙甘草

錢五

共研細末用大棗肉煮爛爲丸每服二錢開水送下飲酒者酒下此方頗效

詒按此方以皂礬爲君合以平胃二陳明爲消除垢積之劑案云脫力傷脾便與此方不合當云脫

力脾困痰溼不化乃合然此方用之頗靈其功效自不可掩。

痺氣

○胸中爲陽之位。清陽失曠。則胸痺而痛。下午屬陰。故痛甚也。用苓桂朮甘湯加味。

茯苓 甘草 桂枝 白朮 瓜蒌 薤白

半夏 陳皮 乾薑 白蔻

詒按。方藥均親切不浮。

再診。胸痺痰飲脘痛。甚則嘔酸。脈細胃陽不布。先以通陽。

吳萸 乾薑 白朮 炙草 桂木 瓜蒌

薤白 枳實 半夏 茯苓 陳皮

詒按。胸脘陽微而窒。立方兼治上中。而以中焦爲主。

三診 胸痺腹痛。夜甚晝安。清陽不振。濁陰僭逆。法必通陽。

黨參 茯苓 冬朮 炙草 陳皮 半夏

桂木 川椒 乾薑 川附

詒按。此六君加桂附薑椒也。用藥可謂切實矣。

脘腹痛門

○肝胃氣痛。痛久則氣血瘀凝。曾經吐血。是陽明胃絡之血。因鬱熱蒸迫而上也。血止之後。痛勢仍作。每發於午後。診脈小緊數。舌紅無苔。乃血去陰傷。而氣分之鬱熱。仍阻於肝胃之絡。而不能透達。宜理氣疎鬱。取辛通而不耗液者為當。

川棟子 延胡 鬱金 香附 茯苓 陳皮

全覆花

山梔

薑汁炒

白蜆螺殼

左金丸

詒按。方法輕靈。自然中病。

○肝氣與飲邪相合為病。脘腹作痛。嘔吐酸水。擬苦辛泄木。辛溫蠲飲。

川連吳黃妙 陳皮 木香 丁香 薤仁 乾薑

川棟子 延胡 香附 川椒

詒按肝氣病兼證最多。須看其立方融洽處。

○脈雙弦。有寒飲在胃也。脘痛吐酸。木克土也。得食則痛緩。病屬中虛。當和中泄木。祛寒。小建中湯加味主之。

白芍 桂枝 乾薑 炙草 半夏 橘餅

川椒 黨參 白朮

詒按大小建中合劑。方藥穩切。

○脘痛肢冷。脈伏。頭汗淋漓。防厥。

金鈴子 五靈脂 延胡 旋覆花 赭石

乳香 沒藥 丁香 蔻仁 香附

詒按。此肝氣挾瘀之證。故立方如此。

再診 脘痛甚則防厥。

姜黃 半夏 陳皮 茯苓 香附 吳萸

旋覆花 赭石 蔻仁

○肝木挾下焦水寒之氣。乘於脾胃。脘痛攻脇。嘔吐酸水。脈細而絃。擬溫中禦寒扶土抑木方法。

炮薑 川椒 吳萸 黨參 桂枝 白芍

白朮 茯苓 香附 砂仁

詒按。此肝氣挾感寒治法。用藥頗精到。

○素有肝胃氣痛兼有寒積。脘痛脹滿。痛及於腰。刻不可忍。舌苔白膩。渴不欲飲。大便似利不利。脈象沉絃而緊。按證恐屬藏結。頗爲險候。非溫不能通其陽。非下不能破其結。仿許學士溫脾法。

乾薑

附子

肉桂

川朴

薑汁炒

枳實

大黃

再診 脘腹脹滿。上至心下。下連少腹。中橫一紋。如亞腰葫蘆之狀。中宮痞塞。陰陽格絕。上下不通。勢瀕於危。勉進附子瀉心法。通陽以泄濁陰。冀大便得通爲幸。否則恐致喘汗厥脫。難以挽回。

附子

川連

薑汁炒

川朴

薑汁炒

大黃

酒浸

長流水煎

再服備急丸

乾薑 巴豆霜

大黃

七粒砂仁湯下

三診 兩投溫下大便仍然不通胸腹高突湯水下咽
輒嘔支漸冷脈漸細鼻煽額汗厥脫堪憂按結胸藏結
之分在乎有寒熱無寒熱爲別下之不通脹滿愈甚乃
太陰脾藏受戕清陽失於轉運崔行功有枳實理中一
法取其轉運中陽通便在是挽回厥脫亦在是

人參

枳實

炮薑

川附

陳皮

冬朮

詒按兩投溫通重劑不得小效枳實理中力量不
及前方之大恐未必能奏效也○閱夜話錄中所
載一證與此相似治之未效後擬用溫藥下來復

丹未及試用正可與此參觀

○三四年來腹痛常發發則極甚必數日而平此脾藏有寒積肝經有溼熱故痛發則腹中覺熱擬溫脾法兼佐涼肝

金鈴子 延胡 陳皮 茯苓 白朮 川椒

乾薑 白芍 吳萸炒 神麴 砂仁

再診 腹中寒熱錯雜而痛古方越桃散最妙變散爲丸常服可耳稍爲加減以合體氣

乾薑 山梔 吳萸 白芍 炙草

共爲末神麴糊丸每服三錢開水送下

原註越桃散惟薑梔二味加吳萸白芍者復以戊己法也甘草者取其調和也

詒按病邪錯雜用藥卻須一綫乃佳如此丸方卽合法也

○腹痛便溏脾陽弱也周身疼痛衛陽弱也補中土益衛氣黃耆建中湯主之

黃耆 桂枝 白芍 白朮 炙草

詒按方案俱老到

○便血之後餘瘀凝於肝絡餘熱留於小腸故少腹疼而小便熱痛也化瘀洩熱爲治

桃仁炒 丹皮 鮮生地 木通 黑梔 滑石

歸身 查炭 生蒲黃 新絳

另回生丹一粒

詒按理法雙清

○用五積合通聖溫通散寒便通而痛未止脈遲喜食甜味痛在當臍後連及腰身常慄慄惡寒此中虛陽弱寒積內停擬通陽以破其沉寒益火以消其陰翳

四君子去甘草 加肉桂 附子 木香

烏藥 荏蓉 元明粉

詒按方中元明粉一味不甚妥洽擬去之

疝氣門

○中陽虛弱。厥陰寒疝。偕逆。腹痛筋急。大便堅結。痛甚則嘔吐。擬大建中湯。

川椒 炮薑 黨參 附子 半夏 橘餅

治按此寒疝證之偏於虛者。故用藥專於溫理。

○寒淫伏於厥陰。久則化熱。兩胯凹筋脹。左翠丸偏墜。發作則身有寒熱。而囊皮腫脹出水。此謂淫疝也。屢發不已。防有囊癰之變。

川棟子

巴豆二枚同炒
焦去豆三錢

茴香

鹽水炒

吳萸

黃柏

查炭

黑梔

橘核

萆薢

荔枝核

詒按。溼鬱則化熱。故須寒熱互用。○既屬溼疝。似宜參用蒼朮。苡仁。燥溼之品。

又疝氣方

川棟子

巴豆七粒同炒
焦去豆五錢

小茴香

鹽水炒
三錢

青皮

炒
三錢

木香

晒不見火
三錢

當歸

酒炒
三錢

全蟲

酒洗炙
七個

昆布

漂淡炒
三錢

查炭

三錢

共研末用韭汁

一杯

葱頭汁

一杯

絲瓜絡

煎濃汁
二兩

泛丸每

日服一錢

詒按。此方溫肝通陽。驅邪理疝。用意頗佳。可以爲法。

○子和論七疝都隸於肝。近因遺行勞倦。奔走傷筋。元氣下陷。其疝益大。蓋筋者肝之合也。舉丸者筋之所聚也。大凡治疝。不越辛溫苦泄。然勞碌氣陷者。苦泄則氣益陷。當先舉其陷下之氣。稍佐辛溫。是亦標本兼治之法。

補中益氣湯加茯苓 茴香 延胡 全蝎

木香

又丸方

黨參 白朮 茯苓 吳萸 烏藥 川棟子

木香 茴香 當歸 延胡 枸杞

詒按論病親切不浮

癰癤門

○前年秋季患伏暑淹纏百日而愈病中卽結癰積居於左脇之下入春以來每至下午必微熱清晨必吐痰食麪必滯洩此必當時熱邪未盡早進油膩麪食與痰氣互相結聚於肝胃之絡當漸消之否則或脹或鼓均可慮也

柴胡鹽水炒 青皮巴豆同炒 黃三稜醋炒 雄黃一兩

大黃皂莢子三粒同炒 莪朮醋炒 五錢

右藥爲末神麪糊丸每服一錢橘紅湯下

午後服六君子丸三錢

詒按用藥思路可取

○少腹兩旁結塊漸大漸長靜則夾臍而居動則上攻至腕旁及兩脇八九年來如是據云當年停經半載皆疑爲孕及產多是污穢臭水嗣後遂結此塊想係水寒氣血瘀聚而成當溯其源而緩圖之

甘遂

麩包煨三錢

香附

鹽水炒一兩

三稜

醋炒一兩

莪朮

醋炒一兩

桃仁

炒五錢

肉桂

另研一錢

五靈脂

醋炒五錢

地鼈蟲

酒浸廿一個

川棟子

巴豆七粒同炒去豆五錢

共研末煉蜜爲丸每服十九一日三服

詒按久病緩攻方法頗穩

○臍以上有塊一條直攻心下作痛痛連兩脇此屬伏梁爲心之積乃氣血寒痰凝聚而成背脊熱而眩悸營氣內虧法以和營化積

當歸 半夏 瓦楞子 香附 丹參 茯神

陳皮 木香 川棟子 延胡 砂仁

詒按方亦平穩熨帖

再診投和營化積伏梁之攻痛稍緩而脊背之熱亦減久延絡虛當以緩圖無事更張仍從前制

前方去茯神 瓦楞子 木香 加茯苓 玫瑰

肝之積在脇下。名曰肥氣。日久撐痛。痼疾難圖。

川棟子 延胡 川連 青皮 查炭 歸鬚

五靈脂 莪朮 三稜 茯苓 木香 砂仁

詒按。用藥精當。

再診 左脇之痛已緩。夜增欬嗽寒熱。邪氣走於肺絡。擬肺肝同治。

旋覆花 三稜醋炒杏仁 茯苓 川棟子 狸絳

款冬花 莪朮醋炒半夏 陳皮 青葱管 歸鬚

詒按。暢氣疏痰。平肝通絡。此等證用藥。不過如是。○少腹結塊。漸大如盤。上攻則痛。下伏則安。此屬腸覃。

氣血凝滯而成。擬兩疏氣血法。

香附 丹參 紅花 當歸 澤蘭 桃仁

延胡 廣皮 砂仁 五靈脂

另大黃廬蟲丸每服二十粒

○久患休息下痢。或作或輟。四月下旬痢止數日。忽然氣攻胸脘板痛。上下不通。幾乎發厥。及至大便稍通。板痛遞減。匝月以來。大便僅通三次。今又不通十餘日矣。而其脘中之板痛者。結而成塊。偏於右部。是脾之積也。脈極細而沉緊。面色晦滯。陽氣鬱伏。濁陰凝聚。當與溫通。

附子 乾薑 川朴 陳皮 茯苓 香附

延胡 大腹皮

另東垣五積丸 沉香化氣丸

再診 大便已通。脘腹之塊未化。脈象沉絃而緊。面色之晦滯已明。陽光一睨。陰凝漸通之象。仍以溫通。

附子 乾薑 陳皮 茯苓 木香 砂仁

通草 水紅花子 白蠟螺殼

詒按。凡陽氣鬱伏者。與陽虛不同。於溫藥中宜兼清泄之意。乃妥。

○脈遲細。腕中有塊。納食撐脹。腹中漉漉有聲。噯腐吞

酸大便堅結。此脾胃有寒積也。當以溫藥下之。仿溫脾法。

茯苓 大黃 附子 乾薑 桂木 川朴

陳皮 枳實 半夏

詒按小承氣合二陳加薑桂附驅寒飲導積滯立方簡當。

○脈右關滑動。舌苔黃白而膩。是痰積在中焦也。左關絃搏。肝木氣旺。故左肋斜至臍下有梗一條。按之覺硬。乃肝氣入絡所致。尺寸脈俱微緩泄痢一載。氣血兩虧。補之無益。攻之不可。而病根終莫能拔。病根者何。痰積。

溼熱肝氣也。夫溼熱痰積。須藉元氣以運之外出。潔古所謂養正積自除。脾胃健則溼熱自化。原指久病而言。此病不爲不久。攻消尅伐。何敢妄施。茲擇性味不猛而能通能化者用之。

人參 茯苓 於朮 青陳皮 炙草 澤瀉

枳殼 神麴 茅朮 當歸土炒 白芍吳萸三分煎汁炒

黃耆 防風根

詒按。擬加金鈴延胡木瓜以疏肝。較爲周到。

又丸方

製半夏三分六分 一分木香二錢煎汁拌炒一分白芥子二錢煎汁拌炒一分烏藥三

錢煎汁拌炒一分金鈴子三錢煎汁拌炒一分猪苓

炒畢去諸藥僅以半夏爲末入雄精三錢研末射香一分

獨頭蒜三個打爛用醋一杯茶打和爲丸每晨服一錢五

分開水送下

詒按丸藥製法精巧開後學許多悟境

○心之積名曰伏梁得之憂思而氣結也居於心下胃
脘之間其形豎直而長痛發則嘔吐酸水兼挾痰飲肝
氣爲患也開發心陽以化濁陰之凝結兼平肝氣而化
胃中之痰飲

桂枝 半夏 川連吳黃 茯苓 陳皮 薏仁

鬱金 延胡 川棟子 石菖蒲 瓦楞子

詒按論病立方精到熨貼

○病由肝氣橫逆營血不調腹中結瘕腕脇攻痛漸致食減內熱欬嗽痰多當臍動跳心悸少寐口乾腸燥是皆血痺虛勞之象極難醫治姑仿仲景法

黨參 茯苓 棗仁 乳香 沒藥 桃仁

當歸 川貝 香附 地鼈蟲

酒炙 白蜜

再診 前方養營化痰得下血塊兩枚腹滿稍軟內熱欬嗽未減今且和營啟胃退熱止欬再望轉機

黨參 茯苓 丹參 陳皮 川貝 杏仁

當歸 阿膠 血餘炭 地鼈蟲

論按前兩方仿金匱血痺治法確有見地後來欬嗽不止已屬內熱傷肺之象腹中滿痛肝氣不平也愚意仍用潤肺疏肝清陰養血法治之

族弟 寶慶 同校
門人 趙樹誠